

263. *Hypochoeris sonchoides* Kunth in Humb. et Bonpl. Nov. gen. et spec. IV. p. 2 t. 304; syn. *H. sessiliflora* Kunth l. c.; *Achyrophorus quitensis* Schultz-Bip. in Nov. Art. Caes. Leop. Carol. XXI. I. p. 92.

Var. *fibrillosa* Hieron. var. nov.

Differt a forma genuina involucri squamis exterioribus dorso dense fibrillosis.

Crescit in pascuis andinis montis Cayambe passim (S. n. 71/2 partim).

264. *H. Stübelii* Hieron. in Engl. Bot. Jahrb. XXI. p. 373.

Crescit in pascuis andinis montis Cayambe passim (S. n. 71/2 partim).

265. *H. chillensis* (Kunth); syn. *Apargia chilensis* Kunth in Humb. et Bonpl. Nov. gen. et spec. IV. p. 2 (3), ex descriptione.

Crescit locis herbidis altiplanitiei quitenensis (S. n. 71/4).

266. *Sonchus oleraceus* L. Spec. Ed. I. p. 794 ex majore parte, syn. *S. ciliatus* Lam. Fl. Franc. II. p. 87; *S. laevis* Vill. Delph. III. p. 458.

Crescit in cultis andinis passim (S. n. 72/4).

267. *Crepis Sodiroi* Hieron. n. sp.

*Eucerepis* herbacea, interdum usque ad  $\frac{3}{4}$  m alta; caulis simplicibus, e basi ascendente crectis, subsetoso-hirsutis (pilis in secco ochraceis vel lutescentibus recurvis, basi subfuscamente subbulboso-incrassatis), subteretibus vel in speciminibus robustioribus manifeste striato-sulcatis; foliis radicalibus et caulinis inferioribus e vagina rufescensente sensim in laminam oblanceolatam dilatatis; caulinis superioribus sessilibus, semiamplexicaulibus, oblongis vel oblanceolatis; omnibus apice acutiusculis vel obtusiusculis, glanduloso-mucronatis, margine plus minusque manifeste sinuato-dentatis (denticulis glanduloso-mucronatis), membranaceis, laete sublutescenti- vel subglaucoscenti-viridibus, utrinque sparse subsetoso-hirsutis (pilis ochraceis vel lutescentibus); foliis maximis 17—18 cm longis, 3—4 cm latis; inflorescentia simplici vel (in specimine uno) valde ramosa, ramis fuscescenti-setosis ad corymbum confertis; capitulis apice ramorum vel caulinum racemoso-paniculatis, pedunculatis (pedunculis fuscescenti-setosis, usque ad 2 cm longis), c. 50—75-floris; involuci squamis c. 25, linearibus, acutis 10—11 mm longis, subaequilongis, c. 4 mm latis, viridibus, margine albido-hyalinis, dorso parce fuscescenti-setulosis; additis exterioribus paucis multo brevioribus ubique viridibus vix 5 mm longis; corollis lutescentibus? (vel albidis?); exterioribus c. 6 mm longis (tubulo quam ligula paulo longiore, ligula c.  $\frac{1}{3}$  mm lata); pappi setis 50—60 niveo-albidis, usque ad  $4\frac{1}{2}$  mm longis; achaeniis omnibus apicem versus attenuatis, submaturis nigrescentibus, c. 5 mm longis, c.  $\frac{1}{3}$  mm basi crassis, 10-striatis.

Species *C. boliviensi* Wedd. affinis esse videtur, differt foliis caulinis superioribus basi non dilatatis angustioribus, achaeniis omnibus manifeste apicem versus attenuatis nigrescentibus.

Crescit in fruticetis interandinis prope Quito (S. n. 70/7, mense Mayo 1895).